

附釋音周禮注疏卷第三十四

禮部監印

鄭氏注

賈公彥疏

秋官司寇第五疏

鄭目錄云象秋所立之官寇害

斂藏於萬物也天子立司寇使掌邦刑刑者所以驅恥惡納人於善道也

惟王建國辨方正位體國經野設官分職以

為民極疏

惟王至民極。釋曰義已具在天官

乃立秋官司寇使

帥其屬而掌邦禁以佐王刑邦國

禁所以防姦者也刑正人之法

孝經說曰刑者側也過出罪施。側音刑

疏

注禁所至罪施。釋曰云禁所以防姦者也者案士師五禁以左右

刑罰王者恐民以姦入罪故先設禁示之防其姦惡若有不忌為姦然後以刑罪之云刑正人之法者刑期於無刑以殺

止殺故云刑正人之法也云孝經說曰者孝經援神契五刑章曰刑者側也過出罪施者下側為著也行刑者所以著人

身體過誤者出之實罪者施刑是以尚書云眚災肆赦怙終賊刑引之者證司寇行刑當審慎也。刑官之

屬大司寇卿一人小司寇中大夫二人士師

下大夫四人鄉士上士八人中士十有六人

旅下士三十有二人士察也主察獄訟之事者鄭司農說以論語曰柳下惠爲士師鄉士

主六鄉之獄。疏刑官至二人。釋曰自此已下論設官鄉音香注同分職之事云刑官之屬者此一句摭爲

刑官六十官爲目故云之屬云大司寇卿一人六命小司寇

中大夫二人四命士師者秋官之考雖下大夫四人亦四命

鄉士其職云掌國中兼百里內六鄉以八人分主六鄉

故謂之鄉士工士八人三命中士十有六人二命旅下士三

十有二人一命下士言旅旅衆也小官理衆事也。注士察至之獄。釋曰訓士爲察者義取察理獄訟是以刑官多稱士先鄭引論語士師欲見士官理獄訟之事案上代以來獄官之名有異是以月令乃命大理瞻傷察瘡鄭注云有虞氏曰士夏曰大理周曰大司寇天子諸侯同故魯有司寇晉魏絳亦云歸死於司寇至於衰世國異政家殊俗官名隨意所

造故僖二十八年晉有士榮為大士文十年楚子西云臣歸死於司敗論語云陳司敗昭十四年士景伯如楚叔魚攝理是後官號府六人史十有一人胥十有二人徒不同者也

百有二十人疏府六至十人。釋曰在此者府治藏吏史作文書胥為什長徒給繇役義

已在天官疏自大司寇已下至胥徒皆是同官別職故各有職而同府史也。

遂士中士十有二人府六人史十有二人胥

十有二人徒百有二十人遂士主六遂之獄者疏注遂士至獄者。釋

曰在此者其職云掌四郊四郊有六遂之獄故也鄉士主六鄉之獄遂士主六遂之獄所以鄉士使上士官尊而人少遂士使中士官卑而人多者六遂去王遠故官卑以六遂在遠郊外兼主公邑地廣人眾故官多

縣士中士三十有二人府八人史十有六人

胥十有六人徒百有六十人距王城三百里至四百里曰縣縣士主縣

之獄者○**疏**注距王至獄者○釋曰在此者案其職云掌野謂者○掌三等公邑之獄故鄭於縣士職注云二百里以

外至三百里曰野三百里以外至四百里曰縣四百里以外至五百里曰都郊外曰野大摠言之故其職云掌野其六遂

之中公邑之獄遂士兼掌之矣既三處獄並掌而此注云距王城三百里至四百里曰縣似不主三百里中五百里中獄

者縣在四百里中故舉中以言其實外內皆掌之耳

方士中士十有六人府八人史十有六人胥

十有六人徒百有六十人方士主四方都家之獄者**疏**注方士

釋曰在此者案其職云掌都家鄭彼注云都王子弟及公卿之采地家大夫之采王此三等采地之獄采地在王城四方

故云方士也是以鄭此注云方士主四方都家之獄者也

訝士中士八人府四人史八人胥八人徒八

十人訝迎也士官之迎四方賓客○訝五嫁反**疏**注訝迎至賓客○釋曰在此者案其職云掌四方之

獄訟非直迎賓客以獄訟為主故亦士言之也

朝士中士六人府三人史六人胥六人徒六

十人朝士主外朝之法。朝直遙反卷內同。**疏**注朝士至之法。釋曰在此者案其職云掌建邦外

朝之法左九棘右九棘之事以朝士為詢衆庶獻疑獄故屬秋官但序官之法秋官雖為刑獄所施至於防禁之屬皆在秋官又於賓客是主人所敬故鄉飲酒坐賓於西北象天地嚴凝之氣始於西南盛於西北是以賓客之事亦屬焉云朝士主外朝之法者天子諸侯皆三朝內朝二路門外與路寢庭是也外朝一此朝在臯門內庫門外是也

司民中士六人府三人史六人胥三人徒三

十人司民主民數。疏注司民主民數。釋曰在此者案其職云掌登萬民之數凡斷獄弊訟必須知

民年幾老幼是以司民雖非刑獄連類在此也

司刑中士二人府一人史二人胥二人徒二

十人疏

司刑。釋曰在此者案其職云掌五刑之法以麗萬民之罪故其職在此

司刺下士一人府一人史二人徒四人

刺殺也三訊罪

定則殺之。刺七賜反訊言信

疏

注刺殺至殺之。釋曰在此者案其職云掌三刺三宥三赦之法亦是刑獄之

類故在此

司約下士二人府一人史二人徒四人

約言語之約東

○約劉於妙反一音如字注同東劉詩樹反一音如字○

疏

司約至四人。釋曰在此者案其職云掌邦國及萬

民之約劑亦是禁戒之事故在此

司盟下士二人府一人史二人徒四人

盟以約辭告神

殺牲歃血明著其信也曲禮曰涖牲曰盟。約於妙反歃所洽反

疏

注盟以至曰盟。釋曰在此者案其職云

掌盟載之法亦是禁戒之事故在此

職金上士二人下士四人府二人史四人胥

八人徒八十人

職主也

疏

職金。釋曰在此者案其職云掌凡金玉之戒令又云掌

受金罰貨罰亦是刑獄之事故在此

司厲下士二人史一人徒十有二人

犯政為惡曰厲厲士

主盜賊之兵器及其奴者

疏

注犯政至奴者。釋曰在此者案其職云掌盜賊之任器又云其奴男子入于罪隸

亦是刑獄之事故在此也云云犯政為惡曰厲者厲是惡鬼殺厲之事故以造惡為厲也云厲士主盜賊之兵器者其職文也

犬人下士二人府一人史一人賈四人徒十

六人

賈音嫁又音古

疏

犬人。釋曰在此者案其職云凡祭祀共犬牲犬是金畜故五行傳云二

日言言之不從則有犬禍故連類在此犬有兩義案說卦艮為狗艮卦在丑艮為止以能吠守止人則屬艮以能言則屬

兌兌為言故也

司圜中士六人下士十有二人府三人史六

人胥十有六人徒百有六十八鄭司農云圜謂圜土也圜土謂獄城

也今獄城圜司圜職中言凡圜土之刑人也以此知圜謂圜土也又大司寇職曰以圜土聚教罷民故司圜職曰掌收教

罷民○圜于權**疏**司圜至十人○釋曰在此者案其職云反罷音皮下同

注鄭司至罷民○釋曰先鄭所引皆當其義故後鄭從之但獄城圜者東方主規規主仁恩凡斷獄以仁恩求出之故圜也

掌囚下士十有二人府六人史十有二人徒

百有二十人囚拘也主拘繫當刑殺之者○**疏**注囚拘至之者○釋曰在此者案其職云

掌守盜賊凡囚者刑獄之事故在此也

掌戮下士二人史一人徒十有二人戮猶辱也既斬殺又辱之

疏注戮猶至辱之○釋曰在此者案其職云掌斬殺賊謀而搏之刑罪之事故在此

司隸中士二人下士十有一人府五人史十

人胥二十人徒一百人

隸給勞辱之役者漢始置司隸亦使將徒治道溝渠之徒

後稍尊之使主官府及近郡

疏

注隸給至近郡○釋曰以隸是罪人爲奴僕故知給勞辱之役也又引漢始置

司隸云云者以漢時司隸官與周同故舉以爲況也

罪隸百有一十人

盜賊之家爲奴者

疏

罪隸至十人○釋曰此中國之隸言

罪隸古者身有大罪身既從戮男女緣坐男子入於罪隸女子入於舂臺故注云盜賊之家爲奴者蠻隸已下皆百二十人者鄭云凡隸衆矣此其選以爲役負者謂隸中選取善者以爲役之負數爲限其餘衆者以爲隸民故司隸職云帥其民而搏盜賊役國中之辱事之等是百二十人外謂之民者也

蠻隸百有二十人

征南夷所獲

閩隸百有二十人

閩南蠻之別○閩亡巾反又音文

夷隸百有二十人

征東夷所獲

貉隸百有二十人

征東北夷所獲凡隸衆矣此其選以爲役負其餘謂之隸。貉音陌

布憲中士二人下士四人府二人史四人胥四

人徒四十人

憲表也主表刑禁者

〔疏〕

注憲表至禁者。釋曰在此者案其職云掌憲邦之

刑禁故在此也知憲不爲法而爲表憲者又案其職云正月之吉執旌節以宣布于四方而憲邦之刑禁明憲爲表懸示人使知者也

禁殺戮下士二人史一人徒十有二人

禁殺戮者禁民

不得相

〔疏〕

禁殺至二人。釋曰在此者案其職云掌司斬殺戮者以告而誅之是禁民相殺戮之事故在

此也

禁暴氏下士六人史三人胥六人徒六十人

疏

禁暴○釋曰此亦謂禁民不得相陵暴在此者案其職云掌禁庶民之亂暴力正者亦是防禁之事故在此也

野廬氏下士六人胥十有二人徒百有二十

人廬賓客行道所舍

疏

注廬賓至所舍○釋曰在此者案其職云掌達國道路又云掌凡道禁亦是禁戒之

事故在此也知廬是賓客行道所舍者見遺人云十里有廬三十里有宿故知之也

蜡氏下士四人徒四十人

蜡骨肉腐臭蠅蟲所蜡也月令曰掩骼埋胾此官之

職也蜡讀如狙司之狙○蜡清預反注同蠅以繩反

疏

注

骼更白反狸亡皆反本又作埋胾木又作齒似賜反

骨至之狙○釋曰在此者案其職云掌除胾又云凡國之大祭祀禁刑者凶服者亦是禁戒之事故在此引月令掩骼埋

胾者案彼注骨枯曰骼肉腐曰胾掩亦埋但骼胾不同故別

言也言骼胾者凡人物皆是云蜡讀如狙司之狙者俗有狙

司之言故讀從音也若然月令所云是春時今不在春官者

彼月令為春時陽不欲陰之事故在春此取禁戒之事故在

秋也

雍氏下士一人徒八人

雍謂隄防止水者也。雍於勇反。劉如字注同。隄了兮反。

疏

注雍謂至者也。釋曰在此者案其職云掌溝瀆澮池之禁亦是楚戒之事故在此也。

萍氏下士一人徒八人

鄭司農云萍讀為蜉。或為萍。號起雨之萍。玄謂今天問萍。

號作萍。爾雅曰萍萍其大者蘋。讀如小子言平之平。萍氏主水禁萍之草無根而浮。取名於其不沈溺。萍音平。又蒲丁反。蜉蒲丁反。爾雅云蛟黃蜉。萍氏。釋曰按其職云掌國之萍。號蒲丁反。萍萍上音平。萍禁亦是禁戒之事故在此也。注鄭司至沈溺。釋曰先鄭讀萍為蜉。取音同云。或為萍。號起雨之萍者。亦天問之文。萍亦浮萍之草也。玄謂今天問者離騷有天問篇。天不可問。故以天問為名。此就足先鄭音義。同引爾雅萍萍其大者蘋者。此以義相曉也。云讀如小子言平之平者。俗讀取音同。皆取萍水草無根而浮。不沉禁人使不沉溺如萍也。

司寤氏下士一人徒八人

寤覺也。主夜覺者。疏注寤音教下同。寤

覺至覺者。釋曰在此者案其職云禦晨行者。禁宵行者。夜遊者是禁戒之事故在此也。言寤覺也。主夜覺者。凡人之寐。

臥恒在寢得禁之者人有夜寐忽覺而漫出門者故謂之為夜覺也

司烜氏下士六人徒十有六人

烜火也讀如衛侯之烜故書烜為

烜鄭司農云當為烜。烜音毀注烜同烜劉音袁

[疏]

注烜火至為烜。釋曰在此者案其職云掌取明火及以

木鐸修火禁亦是禁戒之事故在此也云讀如衛侯烜之烜者春秋左氏衛侯烜滅邢詩云王室如烜烜亦火之別名也

條狼氏下士六人胥六人徒六十人

社子春云條當為滌器之

滌立謂滌除也狼狼扈道上。條音滌徒歷反注同

[疏]

條狼至十人。釋曰在此者案其職云掌執鞭以趨辟凡

誓僕及誓馭之等是禁戒之事故在此也。注杜子至道上釋曰云滌器之滌者讀從特牲少牢滌祭器等之滌也云狼

狼扈道上者謂不蠲之物在道猶今言狼藉也

脩閭氏下士二人史一人徒十有二人

閭謂里門

[疏]

注閭謂里門。釋曰在此者案其職云掌比國中宿互樣者亦是禁戒之事故在此也云閭謂里門者爾雅云巷門謂之

問故知是二十
五家之里門也

冥氏下士一人徒八人

鄭司農云冥讀為冥氏春秋之冥玄謂冥方之冥以繩縻

取禽獸之名。冥如字。又莫歷反縻亡皮反。

疏

冥氏至八人。釋曰在此者案其職云掌設弧張為阱獲以攻

猛獸是冥然使之不覺亦是禁守之事故在此。注鄭司至之名。釋曰云冥氏春秋者冥氏作春秋書名若晏子呂氏春秋之類取其音讀也後鄭云冥方之冥亦取音同云以繩縻取禽獸之名者解冥是冥然使不覺之意也

庶氏下士一人徒四人

庶讀如藥煮之煮驅除毒蠱之言書不作蠱者字從聲。庶音

煮又章預

疏

注庶讀至從聲。釋曰在此者案其職云掌除毒蠱是除惡之事故在此也云庶讀如藥

煮之煮者俗讀意取以藥煮去病去毒蠱亦如是云書不作

蠱者字從聲者除蠱者庶是去之意故為庶不為蠱也是其

聲取

穴氏下士一人徒四人

穴搏蟄獸所藏者。搏音博劉音付蟄直立反

疏

注穴

搏至藏者。釋曰在此者案其職云掌攻蟄獸是除猛惡之
事故在此也云穴搏蟄獸所藏者凡獸蟄皆藏在穴中故以
穴爲官名使
取蟄獸也

翬氏下士二人徒八人

翬鳥翮也鄭司農云翬讀爲翅翼之翅。翬音翅失

鼓反又吉鼓反

疏

注翬鳥至之翅。釋曰在此者案其職云掌攻

曰翮凡鳥有羽翼者皆有翮故云翬鳥翮也凡翬翅皆作翅不作翬故彼從之也

柞氏下士八人徒二十人

柞除木之名除木者必先校剝之鄭司農云柞讀爲

音聲喑喑之喑屋簷之簷。柞側百反注喑屋簷皆同按古飽反

疏

柞氏至十人。釋曰

攻草木亦是除惡之義故在此。注柞除至之簷。釋曰知柞是除木之名者見詩云載芟載柞芟是除草明柞是除木

云除木者必先刊剝之者見其職云夏日至令刊陽木而火之冬日至令剝陰木而水之是先刊剝之先鄭讀柞爲音聲

喑喑之喑者讀從春秋行扈喑喑之喑又爲屋簷之簷者俗讀皆從音同也

薙氏下士二人徒二十人

書薙或作夷鄭司農云掌殺草故春秋傳曰如農夫

之務去草芟夷薙崇之又今俗問謂麥下為夷下言芟夷其麥以其下種禾豆也玄謂薙讀如髻小兒頭之髻書或作夷此皆剪草也字從類耳月令曰燒薙行水謂燒所芟草乃水之。薙字或作薙同它計反徐庭計反去起呂反芟所銜反蘊紆粉反徐憂疏薙氏至十人。釋曰在此者案其職云羣反髻它計反疏掌殺草亦是除惡之義故在此也。注書薙至水之。釋曰先鄭從古書薙為夷故引古今而為證也春秋者左氏傳隱六年夏五月鄭伯侵陳往歲鄭伯請成於陳陳侯不許五父諫曰親人善鄰國之寶也又云周任有言曰為國家者見惡如農夫之務去草芟夷薙崇之注云芟刈夷殺薙積崇聚玄謂薙讀如髻小兒頭之髻者俗讀也云字從類耳者人髮之髻從髮薙草還草下為之故云類也月令者仲夏令引之者欲見薙草須燒之又須水之意也

砮族氏下士二人徒二人

鄭司農云砮讀為薙族讀為爵族之族謂巢也玄謂

砮古字從石折聲。砮音摘它歷反徐丈列反沈勅徹反李又思亦反族倉獨反。

疏

折族至二人釋曰在此者